



BOSNIA AND HERZEGOVINA
Ministry of Human Rights and Refugees

Broj: JN-01-16-4-29-8/24

Datum: 24. 07. 2024. godine

Ministar za ljudska prava i izbjeglice BiH, na osnovu člana 55. Zakona o upravi („Službeni glasnik BiH“, broj 32/02 i 102/09), člana 64. stav (1) tačka b), člana 70. stav (1), (3) i (6), člana 88. i člana 89. Zakona o javnim nabavkama („Službeni glasnik BiH“, broj 39/14 i 59/22), na Preporuku Komisije za nabavke II, broj: JN-01-16-4-29-6/24 od 22. 7. 2024. godine, u postupku nabavke auto guma - usluga skladištenja, balansiranja i montiranja auto guma, donosi sljedeću:

ODLUKU

o izboru najpovoljnijeg ponuđača za nabavku usluge skladištenja, balansiranja i montiranja auto guma

Član 1.

Prihvata se Preporuka Komisije za nabavke, broj: JN-01-16-4-29-6/24 od 22. 7. 2024. godine i Okvirni sporazum za usluge skladištenja, balansiranja i montiranja auto guma dodjeljuje se ponuđaču UNITRADE d.o.o. Ljubuški, Ul. Hrvatskih kraljeva broj 23, 88 320 Ljubuški, ponuda broj: 1107/24 od dana 11. 7. 2024. godine, za ponudenu ukupnu vrijednost ponude sa popustom bez PDV-a od 3.603,32 KM, odnosno 4.215,88 KM sa PDV-om, kao najpovoljnijem ponuđaču.

Član 2.

Izabrani ponuđač UNITRADE d.o.o. Ljubuški je u sklopu ponude, pored Izjave o ispunjenosti uslova iz člana 45. stav (1) tačaka c) i d) Zakona o javnim nabavkama – aneks IV, ovjerene od strane nadležnog organa, dostavio i potrebne dokaze ovjerene od strane nadležnog organa, u skladu sa Izjavom o ispunjenosti uslova iz člana 45. stav (1) tačaka c) i d) ZJN, aneks IV.

Član 3.

Okvirni sporazum će se zaključiti sa izabranim ponuđačem na period od 1 (jedne) godine.

Član 4.

Ova odluka objavit će se na web stranici Ministarstva (www.mhrr.gov.ba), istovremeno sa upućivanjem ponuđaču koji je učestvovao u postupku javne nabavke, u skladu sa članom 70. stav (6) Zakona o javnim nabavkama.

Član 5.

Za izvršenje ove odluke se ovlašćuje i zadužuje Sektor za opšte, pravne poslove i finansijsko-materijalne poslove Ministarstva za ljudska prava i izbjeglice BiH.

Član 6.

Ova Odluka stupa na snagu danom donošenja.

Obrazloženje

Postupak javne nabavke pokrenut je Odlukom o pokretanju postupka nabavke auto guma (usluga skladištenja, balansiranja i montiranja auto-guma), broj: JN-01-16-4-29-1/24 od 8. 7. 2024. godine. Javna nabavka je provedena putem konkurentskog zatjeva za dostavu ponuda za nabavku auto guma (usluga skladištenja, balansiranja i montiranja auto guma). Procijenjena vrijednost javne nabavke je 4.000,00 KM bez PDV-a. Obavještenje o nabavci, broj: 679-7-1-31-3-41/24, objavljeno dana 8. 7. 2024. godine na Portalu javnih nabavki. Tenderska dokumentacija broj: JN-01-16-4-29-2/24 od 8. 7. 2024.

Radi se o ponovljenom postupku javne nabavke jer je Odlukom broj JN-01-16-4-10-25/24 od dana 14. 6. 2024. godine poništen postupak Javne nabavke usluga skladištenja, balansiranja i montiranja auto-guma.

Komisija za nabavke imenovana je Odlukom broj: 01-16-4-201-1/24 od 24. 1. 2024. godine, Odlukom o izmjeni Odluke o imenovanju Komisije za nabavke broj: 01-16-4-201-2/24 od 5. 2. 2024. godine i Odlukom o izmjeni Odluke o imenovanju Komisije za nabavke broj: 01-16-4-201-3/24 od 15. 7. 2024. godine.

Komisija za nabavke dostavila je ugovornom organu, ministru za ljudska prava i izbjeglice BiH, Zapisnik o pregledu i ocjeni ponuda, broj: JN-01-16-4-29-5/24 od 22. 7. 2024. godine, Preporuku o izboru najpovoljnijeg ponuđača, broj: JN-01-16-4-29-6/24 od 22. 7. 2024. godine i Izvještaj o radu broj: JN-01-16-4-29-7/24 od 22. 7. 2024. godine, u postupku nabavke usluga skladištenja, balansiranja i montiranja auto guma.

U postupku, po Izvještaju o radu, utvrđeno je da je Komisija za nabavke blagovremeno i pravilno izvršila otvaranje, pregled i ocjenu prispijelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je u predmetnom postupku zaprimljena ukupno jedna (1) ponuda;
- da je blagovremeno zaprimljena jedna (1) ponuda;
- da nije bilo neblagovremeno zaprimljenih ponuda;
- da je ponuda ponuđača UNITRADE d.o.o. Ljubuški kvalifikovana i prihvatljiva i da su dostavljeni svi traženi dokazi propisani Tenderskom dokumentacijom na propisan način.

U skladu sa Pravilnikom o uslovima i načinu korištenja e-aukcije u slučaju samo jedne prihvatljive ponude e-aukcija se ne može zakazati.

U postupku donošenja ove Odluke, posebno su cijenjene činjenice da je Komisija za nabavke pravilno i potpuno izvršila ocjenu kvalifikovanosti ponuđača i pregled i ocjenu ponude, u skladu sa kriterijima iz Tenderske dokumentacije.

U postupku ocjene provedenog postupka ministar za ljudska prava i izbjeglice BiH nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za nabavke.

Naime, u postupku je ocijenjeno da je Komisija za nabavke u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom.

Uvidom u priloženu dokumentaciju, nesporno je da je izabrani ponuđač najbolje ocijenjen zbog kriterija: „najniže cijene“ utvrđenom u Obavještenju o nabavci i Tenderskoj dokumentaciji.

Naziv i sjedište ponuđača		Ukupna vrijednost ponude sa popustom bez PDV-a	Ukupna vrijednost ponude sa popustom sa PDV-om
1.	UNITRADE d.o.o. Ljubuški	3.603,32 KM	4.215,88 KM

Na osnovu naprijed navedenog, primjenom člana 64. stav (1) tačka b) Zakona o javnim nabavkama, odlučeno je kao u članu 1. ove Odluke.

POUKA O PRAVNOM LIJEKU:

Protiv ove Odluke može se izjaviti žalba Ugovornom organu, najkasnije u roku od 5 (pet) dana od dana prijema ove Odluke.



Dostaviti:

- Ponuđaču,
- Sektoru za opšte, pravne i finansijsko-materijalne poslove,
- a/a.